
ПРОФИЛАКТИКА ТАДБИРЛАРИ ДАВОМ ЭТТИРИЛМОҚДА

Ўзбекистон Республикаси Президентининг 2017 йил 23 май кунги “Ички ишлар органлари ёнғин хавфсизлиги бўлинмалари фаолиятини тубдан такомиллаштириш чора-тадбирлари тўғрисида”ги қарорида ҳафтанинг ҳар чоршанба куни “Ёнғинлар профилактикаси куни” деб белгиланди ва давлат ёнғин хавфсизлиги хизмати ходимларига бир қатор вазифалар юклатилди.

Белгиланган режага асосан шаҳар ёнғин хавфсизлиги бўлими ходимлари, “Водийгазтаъминот” УК шаҳар филиали, шаҳар электр тармоқлари корхонаси, ёнғинга қарши кураш жамияти, фуқароларнинг ўзини ўзи бошқариш органлари билан ҳамкорликда шаҳримиз ҳудудида ёнғин хавфсизлигини таъминлаш, унинг сабаб ва шароитларини аниқлаш борасида жойларда тарғибот-ташвиқот ишлари олиб борилди. Бундан ташқари ёнғин содир бўлишига олиб келадиган сабаб ва шароитларни аниқлаш, бартараф этиш, олдини олиш, аҳоли ҳаётини ҳамда давлат мулкни ёнғин талафотларидан асраш тўғрисида корхона, ташкилот, йирик савдо комплекслари ва бозорларда, таълим-тарбия ва даволаш муассасалари ишчи-ходимлари билан кўргазмали воситалар ёрдамида суҳбатлар ўтказилди. Тадбирлар давомида фуқароларимизни қизиқтираётган саволларга жавоб берилиб, муаммолар ижобий ҳал этиляпти.

Маъмуржон ЖУМАБОЕВ,

Фарғона шаҳар ЁХБ катта инспектори, сержант.

2017-10-26 15:32:38